

皇

明

史

概

皇明大政記卷之十一

少師建極殿大學士臣朱國禎謹輯

大明宣宗憲天崇道英明神聖欽文昭武寬仁純孝章  
皇帝

建文元年二月九日

上生于燕邸 御諱瞻其

仁宗昭皇帝長子母 孝誠皇后張氏 文皇謀起兵

一夕夢 高皇授以大圭命曰傳之子孫永世其昌

拜受而寤心甚喜次日宮中報 王長孫生彩光騰

宮中 昭皇來謁 文皇熟視見面有瑞色益喜彌

月 仁孝皇后抱見 文皇 文皇指曰天日之表

英氣溢面似過其父 文皇嗣大位 仁孝皇后携

至南京方四歲儀容嚴恪羣臣有望見者莫不驚異  
相傳爲異日太平英主稍長孝敬日隆喜讀書 文

皇設講席于華蓋殿之東命太子少師姚廣孝內閣

翰林日侍講讀後改於武英殿 二聖時時親臨

文皇勅官僚協心輔導永樂七年 駕北狩立爲

皇太孫從行 文皇親以 上過田家編覽器具及

其衣食諭以農民勤苦之事曰此帝王先務不可不  
知遂作務本之訓示 昭皇及 上具言農事憔悴

王業艱難與凡無逸祭祀爲政睦親用人賞罰內治  
外威宦寺飲食防衛理財等事又命儒臣集聖學心  
法皆親製序以授 上服膺惟謹一目數行大義瞭  
然覽必盡卷輒記不忘五經與義史書治亂興亡尤  
所留意貫穿羣書不爲句讀口耳 文皇一日問帝  
王心法以精一執中對 文皇大悅稍暇侍制應答  
無不懽恅吟詠賦詩騎射翰墨不習而精八年 文  
皇出塞留守北京以尚書夏原吉輔贊時政務填委  
左右以艱大爲言 上曰 皇祖悉有成法要在遵  
行揮斷如流衆皆驚服十一年午節 文皇幸東苑

擊球射柳四夷朝使者老縱觀 上受命擊射連發

皆中 文皇嘉勞口占曰萬方玉帛風雲會令屬對

上應聲曰一統山河日月明 上喜賜名馬異錦并諸

大臣以下十二年從征哈立麻至寧遠鎮有兔起于

馬前 上一發而中 文皇大喜命帥中軍精騎護

行遇敵摧破無敢當者 一日以百騎視虜至九龍口虜伏兵突起可萬人被圍數

十重左右皆大懼 上神色自若徐指揮躍馬貫陣而出先驅騎奔告 文皇妄言已沒 文皇大驚急

帥親兵往救未二里 上至下馬叩頭 文皇喜而

且泣從行者陞一級歿者陞二級太監李謙在大營以不從罪 昭皇嗣位冊爲 皇太子裁總庶務

罪白結 昭皇總大綱而已洪熙元年五月十二辛巳 昭皇

崩六月初十日庚戌

上卽皇帝位大赦改明年爲宣德元年

洪熙元年南京地屢震 昭皇欲還舊京時時歎曰

南京根本重地往年 皇考北巡委朕留守可無內

顧之憂今災異如此朕當亟往但山陵初復何忍遽

違非 皇太子不可召諭以意泣而遣方謁 孝陵

內宮海壽至知 昭皇不豫京師頗傳凶問人情洶

洶侍臣請集兵戒嚴而行或請從間道 上曰君父

在上天下歸心豈有他虞且予始至遽歸非衆所測

召不俟駕豈可稍遲遂由驛道馳歸六月三日辛丑

至長卿則 昭皇上賓已二十一日矣入京發喪頒  
遺詔于天下凡二十五條方 上未至喧傳高煦舉  
兵犯闕諸大將勒兵闕下 上以暑月命悉撤去曰  
有天命在是何能為 庚戌 上卽位下詔大赦

辛亥勅諭南京守備及各邊鎮臣奮勵圖治 甲寅

上始視事西角門 命平江伯陳瑄鎮淮安督漕 免

教官巡檢以下明年改元朝賀 停浙江市買及各

處坐派造辦 賑德州濟寧等處饑民 黜浙江江

西陝西參議王和袁昱袁善

為犯贓遇赦當復職持  
黜之後又有浙江布政

孫嵩河南參議  
王徵亦照此例

隆平侯張信營山陵 宥衡州監

山縣仇殺士民潘康生死

首服 遺教

侍從舊恩陞王讓

陳山張瑛戴綸俱侍郎

安平縣丞耿福緣以冗汰

者三者老保留卽陞其縣知縣

嚴大同屯田子粒

中允林長懋出爲鬱林知州

從幸南京聞報北還舟行燭後又東京時

諫遊獵 季下位

留陝西官軍就彼備禦河南山西軍入京

操備

先陝西軍人京河南山東往陝西甘肅

廣寧軍士馮述請立金

復等五衛學校并與錦瑞二州屯田議行 廷臣請

月朔常服視朝不許

瓦剌部屬亦速不花等五十

四人來歸

本雅夫里妻與焉命厚給之

召大將軍薛祿還京

七月戊辰朔副使許銘上備邊屯田事嘉納之 已



已 上大行皇帝尊諡詔告天下 中官雲仙往雲

南鎮守 慎選按察使官 重給福餘衛印

乙亥尊母后張氏爲 皇太后立妃胡氏爲 皇后并

冊淑妃劉氏惠妃何氏 止諸王奏請朝賀 右副

都戈謙上二事 一擇守令一禁市買從之 宥忠誠伯茹璠子銓

鑄給還所沒田產 選交趾教官 允烏程縣逋課

俟秋成通徵 知縣黃啟宗之奏 漢王高煦陳利國安民四

事嘉納之 大賚藩王及百官軍民人等 弛黃花

鎮至紅羅山樵採之禁 去長陵已遠從隍 調罰

役同知王鳳等一百十九人爲交趾府州縣官 改

戈謙爲交趾布政 頒詔朝鮮 兵部侍郎戴綸參

贊交趾軍事 上在宮中時時遊獵 文皇意也 廣

西桂平縣獠賊平 訓導李居傑爲給事中 遼東

兵破虜 考正 文廟從祀先賢 訓導年 富之奏 壬戌封

左都督吳成清平伯 山後人初名質 馳來降賜 姓名積功四年遂爲侯 召

尚寶少卿袁忠徹 樂亭縣民胡敬上疏請聽言用

人嘉納之 慎選老人 御史何文淵言其愚 籍肆虛扶朝官府 閏七

月戊戌朔 畿南大雨水 給事中傅安使撤馬兒

罕留二十餘年始歸給與勅命 琉球來朝貢馬

衍聖公孔彥縉來朝賜一品金織文錦襲衣 瓦剌

別部脫脫願居京自效命爲百戶 造鹵薄大駕

胡濙仍爲禮部左侍郎 纂修 文皇 昭皇實錄

丙午都督僉事郭義巡薊州永平山海等邊 戊

申安順伯薛貴清平伯吳成巡塞外 申嚴考覈之

法 庚戌降王瞻墜薨 交趾賊黎利圍茶籠州

七月

解 軍士范濟陳八事 上嘉之授訓導

徵元進士  
洪武中爲

廣信知府請戍 丁巳周王橚薨 巡視布政使周幹還自

蘇常嘉湖等府上言民間利弊下部行之 浙江諸

府派辨以里數民戶多寡爲差

建德縣民之奏

居庸關守

將沈清進黃鼠詰責止之 巫凱佩印鎮遼東 廣

西土寇單公旺公新作配顧典祖討之

十一月

華

容縣儒士伊崧上三事

一正洪基二汰冗官三全條  
議第一事蓋欲都南京也

議行

太資鎮守武臣

學士楊溥等上弘文閣印

溥仍贊內閣餘還原任

八月丁卯朔

討安定曲

先敗之其王來謝

先以謝  
使臣也

滅蘇杭織造之半

勅中外各舉守令

交趾賊阮可朗等伏誅

定漕

舟先後從便發運

大喪一百日請

上易服得

旨山陵畢再議

免貴州食鹽鈔

大理寺卿胡縉

同叅政葉春巡視應天浙江諸郡

先周幹巡視浙江  
還言有司多不得

人士彙建庫款

鄭王瞻俊往南京祭

孝陵

勅

遺舉等法治

御史按察司每歲八月出巡審囚剔卷 徵山林通

經之士 捕松濟反族 止諸王朝正旦 令官買

卽時給直 丙申勅邊將備阿魯台 巳亥太白書

見

九月六日壬寅葬獻陵 申飭屯田 始給大管官馬

芻豆 旌貞女趙氏 辛亥拊太廟 給園子監官

吏俸鈔 分遣大臣清理軍政列為八條 復大學

士楊榮家 定取士分南北及各省直科舉之額

會試所取不過百人南士十六北十四 前監南直八

人江西五十人浙江四十五人湖廣廣東各四十四  
川三十五陝西山東西三十廣西二十雲南交趾各

十貴州附  
于湖廣

令南京明年朝正府部寺院各一人

文華殿大學士權謹年老以通政叅議致仕 擢副

道李蕃爲給事中

仁宗時上端本策召至授官

十月丙寅朔享

太廟 始御奉天門易服及朝 中官祭司井之神

給邊軍毛襖狐帽 召儒士楊翁爲檢討 旌孝

子節烈十人 行在兵部尚書李慶留南京治部事

先隲鄭王至甫

湖廣叅議黃澤疏十事嘉納之 諭三法

司軍職雜犯死罪及應徒流者卽于邊境充軍立功

真犯死罪不赦 河南布政蕭省身滿一考以父年

老請誥命許之

舊三考滿始給

浙江叅議戴同吉言五事

議行 甲午慶王懋請復居韋州

以善制不許命從便注求

十

一月丙申朔

巳亥冬至節朝賀如常儀

雙流知

縣孔有諒上六事九之

陽武侯薛祿佩印巡邊

淳泥園入朝

嚴勅交趾總兵官陳智李安方政等

勦黎利仍召楊士奇楊榮論以先帝復立陳氏息民

之意

南京地屢震

十二月丙寅朔

琉球占城

入貢 廣西宜山賊平

禮部尚書呂震爲其子熊

求官授給事中

乙未歲暮享太廟

瓦剌迎脫脫

不花

卽脫脫

禮部侍郎鄒思顏卒

宣德元年丙午正月丙寅朔御門朝賀如儀命婦朝

皇太后 皇后 戊戌勅文武羣臣盡心協贊新政

孔孟顏三氏子孫孔克勤等滁陽王親郭昇等來

朝賜鈔遣還 癸卯孟春享太廟 中官祭司戶之

神 甲辰以大祀齋武英殿執事官習禮殿上 上

親臨召諸大臣共觀 南京地震 瓦剌賢義王子

捏烈忽襲爵 丁未郊天宇澄清 上悅命 駕徐還 謁 皇太后

出視朝行慶成禮 遣使賜西南來朝諸國紗羅錦

綺 麓川木邦互爭疆界來訴令使者諭解之 金

幼孜憂去起服 廣西蠻歸附撫安之 庚戌遣使

祭哈密忠順王克力帖木兒命其任卜哈失里嗣封



賜其部人 漢王高煦獻元宵燈復書報謝 大理

卿胡縻執松江士豪及亡賴害民者械送京師下法  
司詳審定罪 勅法司寬宥罪囚除重犯運糧宣府

申按察司比較都司勾軍之數 御史按察司官

有司貪婪不律者卽糾舉不待考滿黜陟其御史按

察司官亦以考察當否爲功罪 釋都指揮衛青于

獄復職

先簡發山東  
以不法逮繫

英公張輔閱實京軍在外者

依期調取仍分大臣清理軍政 釋王骨都殺夫寃

獄

孫氏縣民郭小生之妻其姪夜織夫先臥爲仇  
人于人所殺在坐骨都訴寃 上命覆訊得釋

侍郎王宗載等清各處軍伍 修築廣西南丹城

胡濙來朝留之 貴州刺惹洞蠻服罪下詔罷兵

改葬前燕府長史朱復

復侍太宗于潛邸以誠實見重既卒葬京城南贈尚書

諡忠定至是營建改葬有是命

遼東軍士張顯上言都指揮王貞

拒虜被圍千戶孫茂來援深入陷沒及諸將負約之

罪詔速勘實以聞 嚴京城捕盜之禁 二月乙丑

朔丁卯少傅大學士楊榮釋奠先師 戊辰祭大社

大稷 悉除開荒田通稅 癸酉 聖壽節受朝賀

乙亥遣官分祭 祖陵 皇陵 孝陵各王墳歷代

帝王陵寢嶽鎮海瀆孔林 免邊衛歲辦柴炭 丁

丑耕籍田 召古朴還戶部管事 停軍器監取江

南熱鐵

減司苑監措筆三分之一

上供疏菜之用

乙酉

上發京師

丙戌清明節祭

二陵

丁亥還京

修

葺南京天地山川等壇

三月乙未朔

諭坊廂老

人

令諸王子女婚娶自行選配其冠服冊誥給予

官

雲南交趾鎮臣會兵捕賊

榮昌伯陳智都督

方政討黎利敗于茶籠

稅戶人才年老者得以子

任代

勲戚請地畝中有民田者不與

贈交趾死

事知府琴彭爲左布政

王府官給授誥勅

召黃

福赴京

時以省墓歸

免在京軍匠移家

給交趾勅合

千道驗功除授歸附人

發罪人克國子監膳夫及

審廠工役 禁太監鄭和妄請賞賜修理工匠 分遣御

史制卷 四月甲子朔享 太廟 中官祭司竈之

神 乙丑成山侯王還鎮交趾討黎利尚書陳洽爲

叅贊削陳智方政官府從立功上諭大臣以文皇

利土地心欲令交趾月爲一國修貢省中國勞 費揚土奇楊榮引漢素珠崖以對上深然之 陞

胡濙禮部尚書時呂震 庚午 皇太后聖節表賀

免黃巖縣糧稅永樂二十二年 艘風飄沒數多 御製外戚事鑒

歷代臣鑑二書成并爲序冠之分賜皇親羣臣 山

東饑召還清軍大理卿湯宗并停一切買辦 五月

甲午朔 諭三法司錄囚 丙辰詔赦交趾有罪者

并諭黎利等自歸授官

慎旌典

女子割肝救母以非中道不旌

壬寅冊貴妃孫氏

特製金寶以賜

埋所在漂流骸骨及梟

令示衆之屍

宣府軍在京營者更番往來操備

斬磔山知縣于民

殺一家三人

庚戌勅右都御史王彰

自良鄉抵南京巡撫軍民

定貴州土人斷罪例

以輕

重輸役作

松江知府黃子威復任

親喪保留

六月癸亥朔

澤州蠻寇作亂討平之

陽武侯薛祿召至京奏備

邊五事議行

復設河道副使

定宗室將軍以下

冠服儀式

山東西河南水旱賑之

蒲臺縣民高

猪兒等毆擊縣官張寵斬一人餘五十人杖百發戍

四川松潘叛蠻平 始遣御史劄在京文卷 孝

節十二人 免南京囚犯解京就彼依律決遣 仍

命中鹽人改鈔輸米 招諭洮州番族 庚寅勅責

巡視右都王彰言事不切 諭羣臣詳陳聞見 七

月壬辰朔 享太廟 中官祭司門之神 嚴鈔法

之禁 凡以金銀交易者皆罰 京師地震 改主事劉翀為修

撰專授小內使書 侍上講讀諭官者 薊州軍戶畜馬分給

均養 以太和山佃戶陳祚為御史 京師地生毛

長尺餘 免山東夏稅 諭兵部非緊切差遣不給

驛 內使傳 旨諸司皆六科備錄覆奏 應決囚

犯停之今備錄情罪親閱 白葛達國入貢

前朝未至使肯

颶風失貢物論而遣之並賜其王

交趾將官方政敗績

誅溧陽

人史英父子

以富殺人為胡禁所奏

南京地屢震

丁未勅

宣大開平遠東備虜

巳酉

文皇神主祔廟

都

督陳懷鎮寧夏

申洪武表箋舊式二名不徧諱毋

以他字更易

旱灾停湖廣運木

癸丑都督山雲

都御史王彰起山海至居庸開修築險隘

東南天

鳴如風水相搏

蜀蘇州糧十一萬五千餘石

乙

邢罷西寧衛歸農

太僕少卿王羽請改教從之

河南霖雨河溢

安順伯蔣貴進為侯世襲

貴初名脫大赤

起兵 遼東總兵武進伯朱榮請擊朶顏衛夷不許

南功

時朝貢不至 岷世子徵煖擅赴京遣勅止之 八月壬

戌朔 漢王高煦反 上親征 召武安侯鄭亨遂

安伯陳瑛還京 宥保定伯梁銘復其爵 遣錦衣

指揮中官各一人同平江伯陳瑄鎮淮安 封左都

督費瓛崇信伯

尋與世襲

丁卯學士王英釋奠先師

陞御史李濬僉都御史

告高煦反

戊辰祭大社大稷

分勲臣守京城增各門官軍 京師天鳴地震

陽武侯薛祿清平伯吳成率兵二萬爲先鋒 豐城

侯李賢侍郎郭進等督餉 鄭王瞻埈襄王瞻埈居



守 大賞文武官及軍士 辛未 駕發京師 遣

官祭歷代帝王 甲戌 駕自楊村至靜海獨流鎮

撤役夫修道路者 廣寇趙暹就擒 丁丑次流河

驛遣崇信伯費璵率兵益前鋒 戊寅次與濟縣卅

以書諭高煦 庚辰自滄州進至鹽山前軍已至樂

安城下報明日會戰 上率大軍赴之暮過慶雲三

鼓至陽信 辛巳昧爽至樂安 駐蹕城北分兵壁

其四門明日蹕城南再諭之高煦出自歸餘黨悉擒

改樂安州爲武定州書報趙王頒詔中外 乙酉

班師命陽武侯薛祿尚書張本留鎮武定州 丁亥

雨暫霽樂陵黃家店 交趾兵擊敗黎利 庚寅

駕過獻縣戶部尚書陳山來迎請移兵擒趙王不聽

九月二日壬辰至河間府 丙申 駕入京師錮

高煦于西安門內羣臣請賀不許 高煦詞連晉王

濟熿趙王高燧皆不問逆黨王斌朱烜等伏誅 甲

辰代府長史戴禮奏代王父子違戾四事 上是之

報自處置 壬子 上出御制東征記示羣臣 江

西旱災賑之 十月辛酉朔享 太廟 中官祭司

井之神 唐王瓊煙薨未封妃高盤女自經死追封

並祭 戊辰大白犯斗柄三關 遂安伯陳瑛鎮山

海永平崇信伯費瓌鎮甘肅 賜朝鮮國王李禔經

書性理大全通鑑綱目 外官入賀平賊者悉止之

量免工匠禁擊平民求脫者 勅代王桂收恤世

孫母子給祿并教諸子 疏通鈔法得入鈔贖罪

復下獄御史李時勉爲侍讀 己卯大雨雷電 武

安侯郭亨鎮大同 寧陽侯陳懋鎮寧夏 卹給邊

軍胖襪袴鞋 十一月六日乙未成山侯王通進兵

擊黎賊大敗掌司事尚書陳洽死之賊進圍東關

錦衣百戶劉襲李敏受賄縱囚藥市 平州知州何

忠爲黎利所執死之 賑湖廣江西水災 諭順天

府尹王驥加意孤窮悉收入養濟院 諭法司勿窮

治高煦餘黨 汝南王有勲訐兄周王有燬 上察

有勲理曲慰 諭周王 較尉綦榮妻皮氏一產四

子 西寧都督史昭捕番賊 丁巳黑雲一道貫南

北斗 十二月庚申朔 免通州至武定州大軍所

過秋糧 黎利攻隘留關百戶黃彪等擊走之又攻

清化州知州羅通堅守敗之 召還黃福復往交趾

戶部主事李儀力請處分趙王尚書張本贊之皆

不聽 上親覽獄囚罪狀發遣釋放三千餘人 待

詔選文進薦受贓官并極刑之子黜爲民榜示天下

戒飭守邊將士 安遠侯柳升總兵會黔公沐晟  
討黎利 己丑歲暮享太廟 遣官祭五祀旗纛之  
神 減免天下糧稅六萬八千餘石

宣德二年丁未正月庚寅朔大覲朝賀 申明屯田之  
法 賞從征交趾官軍 戶部尚書師達卒 考覈

逃亡士卒 召閣臣議定立交趾陳氏了孫 都督

僉事李玉鎮彰德 賜書趙王莽示圖謀告反及羣

臣封事 歸并軍丁重役者 增造鑿遞符驗 陽

武侯薛祿率兵巡真定等處 廣東兵追捕黎賊破

之 崇信伯費瑊捕沙州衛黠賊劫掠使臣者 駙

馬廣平侯袁容左都劉觀宣諭趙王 戊午南京地

震聲如雷明日再震 二月二日庚申趙王奏辭護

衛求自新許之 陳山張瑛俱陞尚書大學士 乙

丑黎利攻交趾城王通擊大破之 甲戌遣順天府

官祭文天祥 後為 戊寅賜蹇義夏原吉楊士奇楊

榮胡濙範銀圖書 義曰忠厚夏原吉曰會也則希

淡曰清 和恭靖 南京地屢震 御史樊俊請禁奸民誣奏

從之 錦衣衛官分捕沿河南北賊盜 三月己丑

貢士趙鼎等一百人賜馬前杜寧謝璉以下及

出身 主考大學士楊溥皆皆 大益交趾兵糧

侍郎樊敬往廣西副都胡興往廣東李素往湖廣催  
督僉都李濟通政朱儵等往江南及巡撫胡際分  
督各倉糧運 甲午晉王濟熾以陰事被告奏辭爵  
土賜書止之 湖廣旱災免輸征南軍餉及採辦竹  
木 黎賊圍丘溫都指揮孫聚固守禦之 貴州兵

討苗寇卓把同平之 上序諭漢書循吏傳示少師  
蹇義等 給京軍冬夏布勿折鈔其隨往各王府者

悉求還許之別撥補之 庫役一年者悉與更代

舊五

年方 代 孝節十五人 大理卿虞謙卒 斬南寧衛

百戶許善 私送 四月己未朔 右都御史王彭卒

設江南勸農官 青州府及廣西太平府崇善縣

叛民俱伏誅 黎利陷昌江城指揮李仁等死之

晉王濟熿有罪廢為庶人 癸鳳陽 王通與黎利約

和遣人同其使進表及方物 瓊州賊平 增廣東

僉事一員 甲申月犯太白 五月 陽武侯薛祿

珮印護餉開平 戊子朔 切責四川三司官治生

事千戶罪命韓整率兵討之 千戶錢宏尚清俸征交

突人番寨殺掠番人遂亂 巳亥 昭皇帝神主祔

上聞 赦宏等治罪討之 廟 簡用罷黜官 編修陳景著改福州府教授 親

自 六月戊午朔 悉召鎮守內臣還京 去年八月

請

差出者



禁逃吏逃囚及頑民攀陷 命遼東軍士迓虜來

歸者遣還本衛免勾取及充勇士

從南總甲張黑之言

四川

兵勦蠻寇敗績 鎮遠侯顧興祖捕欽州賊首 勅

兩京暑月清獄囚

議開平城守事宜

孤遠難守議移獨石

方政上言四事 七月丁亥朔 改侍讀陳敬宗南

司業 汰監生一千九百餘人南京汰千五百餘人

爲民

建鎮遠侯顧興祖

不救昌江且縱賊首劫掠及請不法事

都

督河津陳懷勳松潘叛蠻 自宮者發戍 丁未陽

武侯薛祿出關平襲虜破之 巳酉都督僉事山雲

鎮廣西

茂州兵勦賊失利

八月丙辰朔

定大

同中鹽每引三斗再減五升 老疾去官者仍與冠

帶 免居庸關民丁修橋 少保大學士黃淮疾歸

南北直隸山西河南水旱各蠲租稅 隆平侯張

信尚書郭敦往陝西安輯軍民 起復工部尚書甄

庸于南京 嚴叛逆家屬在逃之令 九月二日丁

亥武職旗軍見繫者悉具情罪上聞 乙未征南總

兵柳升陷伏死 副總兵梁銘叅贊李慶病死叅將

崔聚與賊戰被執死 乙亥宥浙江按察使林碩復

任 松潘蠻悉就招撫尋叛討平之 封左都督李

英會寧伯 西番 黎利陷諒江府知府劉子輔等死

之 十月乙卯朔 擢照磨曾節起通判姚兼善皆

為御史

未賢所舉

戊寅王通集軍民棄交趾城出下哨

河與黎利盟互宴餽約退師黎利以陳嵩表至求立  
入貢 十一月乙酉朔侍郎李琦羅汝敬詔諭安南  
求立陳氏後其實來聞撤還官兵 孝節九人 增

陝西布按官各一員監督糧儲 丙戌賜忠勇王金

忠錫都督把吉姓名曰蔣信譯字生指揮哈只曰李

誠

乙未 皇子生

即英宗皇帝貴妃孫氏出日下五色雲見

赦天下 命南

京法司不得理在外詞訟 下太監侯泰于獄

言高不

反及奉使  
作威福

黎利送還尚書黃福尋學工部 曲先

聽招撫者四萬二千餘帳 十二月甲寅朔 薛瑄

爲御史 內官張善以饒州監造磁器貪贖伏誅

大賑陝西 王通引兵擅還 減免陝西糧十萬四

千八百餘石

宣德三年戊申正月甲申朔 命侍郎黎澄月俸全支

米

澄安南人  
仕而貧

諭遣兀良答濠河牧馬者 書諭阿

魯台 吳縣巡檢譚復奏舉范文正裔孫希政下吏

部錄用 二月癸丑朔 再勅給事中御史清軍定

十條例通前八條榜示天下 宥交趾逃軍罪

戊午立皇子祈

真金為

皇太子詔天下

允慶王榭復

居韋州

勅責成山侯王通同內官山壽馬麟赴京

丁卯

上奉

皇太后遊西苑

己巳儒士劉嘉

會舉至京以老聽自便

南戶部尚書古朴卒

申

蠲租之令

貢舉人才皆引內庭考試

千戶錢宏

坐誅

以激變松潘壘寇

復劉穎刑部照磨

劉某曾孫

議緩刑

御製帝訓成凡二十四篇并為序

三月癸未朔

皇后胡氏以病讓居別宮冊貴妃孫氏為

皇后 增

天下學較生員

勅諭文武大臣各修職業致太平

逮彰德都指揮王友

以無禮于趙王且不却迎詔書也尋降用

阿魯

台入貢 免畿內百姓採運柴薪及光祿寺散麥

戶作麪

新令軍夫于白河軍河上流山中採伐曠流至道州蘆溝橋積貯麥則皇城外河西務立

水磨

巳亥泰山東嶽廟災 頒選武臣條式 申

明學政以備貢舉 設監倉御史主事等官 免山

西被災夫役 選用致仕武臣 四月癸丑朔 勅

諭兩京園子監 罷南京諸司修造夫役 新作公

主府三千諸王邸之南 汰冗員及吏員濫收者

定拆收糧稅例 御製曹參論示輔臣 貽書周王

有燬召新蔡王有燾 設大名府州縣養馬官 甲

戌增修王牒 充軍發二千里以上者留附近衛所

松潘叛苗平 仍以逃虜人充勇士免其原籍差

役 薦舉至者會官考覈 閏四月壬午朔 敘平

松潘叻

總兵陳謙  
陞右都督

雲南總兵沐晟屢上麓川思任

發侵奪南甸等處請川兵

上以蠻夷化殺先有  
詔諭俟其悔過未許

裁

省遼東苑馬寺官吏 整飭神機營缺伍 右都御

史向寶致仕

尋  
卒

陽武侯薛祿護餉開平 禁采畚

馬縣鉛沙 寧王權請南昌城外灌城一鄉田土勘

明處置 山西饑民流入南陽等處遣官撫之給糜

隨便居住 戊申王通還京師鞠其棄城旋師之罪

下獄籍沒鎮遠侯顧興祖并下獄

同下錦衣獄同罪  
者都督馬瑛為請

官陳智李安方改布政  
去歲內臣山寺馬騷

五月壬子朔李琦羅汝敬

還自交趾黎烈奉表謝恩且言陳嵩已卒子孫並絕

謹守國聽命 召隆平侯張信尚書郭敦還京 刑

部尚書金純有罪下獄

久憚病而從朝  
貴飲宴被劾

辛酉 上

親閱繫囚罪狀決遣五百餘人 工部尚書李友直

等分採大木 朝臣嚴暄等馳酒廢職悉命枷項以

徇貶秩三等 羅汝敬及鴻臚卿徐永達誥黎利再

詢陳氏子孫 貴州蠻皆就招撫 建寧府教授彭

勗乞于建陽縣特祀朱熹嗣其子孫徭役章下禮部

議之 贈交趾死節諸臣

武定李任字文獻  
劉子輔等有差

旱災



免畿南夏稅 甲戌汝南王有勸新安王有煇以罪

皆免為庶人

稱符王有煇汝南王有勸新安王有煇皆周王有煇等與煇為詳符王有煇

用印與趙王高澄其詞皆違約違其犯關為高澄復性徐矢射彰德城中墜濠上射指彈王友以聞

上發有勸素怨趙王以是問之召問稱符王說無有

同謀并召至而先造偽書為甲者密訪擒之對質無辭坐廢 書慰趙王 復設

駙馬府學錄 節婦十三人 庚辰 上出酒諭示

百官 拔人蔡福等六人伏誅 蔡福朱廣蕭聚于瓚魯貴李忠降蔡福投

官謀利送還悉夢之 六月壬午朔 霖雨壞各處河堤城垣

山西旱災遣官分賑 下少保工部尚書吳中于

獄 以官木道大監楊慶作 南京大報恩寺成 內

衣第 上登城樓望見

官裴宗漢下獄

盜市官木賄太監傷慶求免事覺坐斬

盜版庫局木

石磚瓦等料坐死家發口外

時方聚物料與三殿故重其禁

釋吳

中復官奪其少保

召叅政段民等入京

時解任多缺察舉堪

任官從案表言同召者憲使即罷反與源崇震傳致讓叅政李銜叅議劉中敷

內官往

雲南賜土官刀懷幹等綵綺

添置京衛經歷及內

外倉副使

以收支多弊

簡換各處都指揮使

丁未出

左都御史劉觀巡視河道

己酉停造新鈔

專用舊者

七月辛亥朔免泗州養馬及糧稅

丙申陞通政使

顏佐爲右都御史勅審擇各道御史

流民入籍者

俱免追還

勅浙直巡撫胡縢

小人誣播悉斥不應遵勅行事毋彈權要

并計議防海  
置度事宜

諭吏兵二部中官傳旨除官隨事奏

明施行 集諸衛班兵于京 誅泗州奸人戴廈仔

傳為御史行鈔法至漢河知 寧王進扇求鐵笛與

之 定王府人少者免節且差人來賀 妖人樓濂

伏誅 許為制書稱 夏原吉條京糧樽節預備之策

行之 久雨停開平運糧放遣軍士 八月三日壬

午 皇子祈 金生 景泰 修居庸關城 治各關稽

留索賄之罪 顧佐考不職御史嚴暄等三十人請

降有差仍奏薦進士鄧榮等十四人監生方富等十

一人聽選教官方瑞等二十人詔歷政三月分三等

擢用 辛卯革北京行後軍都督府及行部

將定都去之

錄用交趾歸附土官 省各處差遣 宥命禮以

尚書致仕 丁未 駕發京師率諸大將英公陽武

侯巡邊塞夏三楊皆從 九月二日辛亥 駕至石

門驛謀報兀良哈侵邊及寬河 壬子至遵化 上

自率三千人進討少傅楊榮從 乙卯出喜峯口去

虜營十里虜來戰 上親射前鋒三人殲之大破其

衆虜投拜背縛之斬渠首遂 蹕寬河分搜山谷忠

勇王金忠請自效許之勅諸將移營前進 蹕會州

大饗親製詩歌勞將士 壬戌發會州次鐵將軍店

以孟冬廟饗留二萬人候諸將未至者甲子班師丙寅入喜峯關癸酉至京師朝賀 諸將畢至皆大獲

而歸

治山東新城縣老人岳景賢等罪

詔宗官府侵制下民

十月己卯朔

庚辰諭各王府戒轄下人并面諭

鄭王

韓王請徙封長沙不許

陽武侯薛祿等鎮

守薊州諸鎮

都督僉事陳景先鎮永平

追還左

都劉觀

諭塞義楊士奇夏原吉楊榮先勅舊臣師

保重任輟所務額侍左右

侍郎王讓曹本等往江

西江南督糧

琉球貢使屢至遣使賚勅勞賜之

停江南造紙買銅鐵并召回催督主事等官

戊戌

阿魯台入貢歸清平伯吳成家屬 大雪 上喜賦

詩頒示 下左都劉觀于獄 御史趙倫何善罪免

昔廷按倫貪淫 善娶妾在道 武安侯鄭亨復鎮大同 丁未都

指揮同知蔣貴守密雲 十一月己酉朔 貴州賊

首羅文蕩就擒 免追罰鈔 御史張循理下獄死

御史趙倫往河南清軍色杖死里長老人九人論死 循理召衆出徒共飲逸去循理下獄死後獲

上曰此酷吏也又負女 市斬之事在六年二月 御史巡督皇城四門 虜

使朝貢 召陽武侯薛祿還京 定儀賓班次從三

品序于同等官員之左 修南海子周垣橋道 擢

按察使邵玘段民等八人試職侍郎副都等官 指

揮鍾法保請采廣東硃砂下獄 十二月戊寅朔錦

衣官同巡視大理卿胡槩捕嘉興大盜平康等

名史慶貞請戊選改名豪橫官人居能王侯許意願  
殺御史捕之逃去會赦得免還益聚眾劫掠奏請命

錦衣官格 錦衣指揮任啓御史賴英性江南巡視

軍民判病并勅胡槩協力 廣東兵獲賊首譚圓等

御史陳憲卒于獄 為國節于戶獄  
清所辱清見後

### 補遺

六月頒詔內停罷開辦金銀鈔造紙劄坐辦鼓青一

切不急之務免追歲欠皮翎野味胖襖免賠倒死孳

生馬騾牛羊開豁戶絕軍役尤切時弊 吏部尚書  
塞義言內外官吏 光帝特坐罪蒙赦有托喪而亡  
者 上曰父母之恩並於天地至不肖有死其親以  
潔其身者君子不逆詐其宥之 興州衛軍王瑛上  
言利病禮部尚書呂震曰吏卒卑不識大體所言將  
覬用耳 上曰芻蕘之論聖人所釋曷計貴賤爲察  
當否議行之

十月思州府通判檀凱九載滿當陞府民乞留允之

加正五品俸

餘類此  
者尚多

陝西都指揮同知李瑛西征

虜安定王及其部落陞左都督



元年四月衛軍閭群兒爲妻毛氏陷盜釋之妻抵罪  
七月以四川按察使陳璉爲南通政使掌國子監事  
持憲非  
所長

三年正月召塞義楊士奇夏原吉楊榮等觀燈于萬  
壽山士奇等應制誦詩又召遊萬歲山

九月破虜還楊士奇進平胡鏡歌鼓吹曲詞十二篇  
十二月給事李蕃條邊軍五事一布花先給一修衣  
甲一禁口外捕略一就近支倉糧一免官馬遞

皇明大政記卷之十一終

皇明大政記卷之十二

臣朱國禎謹輯

宣德四年己酉正月戊申朔兩京地震

聽邊將自置

私記關防

勅南副都邵玘考察御史及諸司

陽

武侯薛祿護運開平并增獨石等處戍兵

免宣府

十七衛所歲辦柴炭

大賚從征諸臣銀鈔

鈔法

不通增兩京蘇州等府門鈔

允衍聖公買福建書

籍

巳巳上居齋官召學士楊溥入對論以事有

過舉直言無隱

論吏部速除內外各職官

定納

米贖罪例

二月丁丑朔

濟河西務河道并修隄

岸 英公張輔左都督張杲樞府事給全祿專侍左

右 羅汝敬等使交趾還黎刑人貢進代身金人謝

罪 巳丑南京守備襄城侯李隆獻弱虞二

出滁州來安縣

石岡山請賀不許以移原 免各省文書差誤之罪

申屯田比較舊例 忠勇王金忠加太保 都督

李玉爲新建伯 勅法司凡不孝敗倫者送京師嚴

究 戊戌京師地震 陝西寧夏諸衛罪人皆以米

贖 南副都御史邵圯考御史沈善等十三人郎中

黃圯等八十九人並加黜降 赦教授曹彥昌

先帝

丁憂去至是未補史部請議罪 三月丁未朔 建

上得之但以張隨進限除與史

三月丁未朔

建

州夷指揮僉事李滿住請入朝宿衛諭止之 朶顏

來貢宥其前罪家屬被獲者悉還之仍陞其官 倭

寇福建 封都督僉事孫忠會昌伯世襲皇祖之父 免

四川茶戶徭役 丁所頒賜朝鮮國王李禔 孝節

十五人 行在刑部侍郎全庠坐賊免 斬錦衣舍

人張恕推軍人妻至死且取其初女 乙丑命蹇義夏原吉同諸

大臣議諸司建言事宜 戊辰熒惑犯太微垣上將

甲戌復遣侍郎李琦諭黎利再訪陳氏子孫送還

中國器械人口 四月丙子朔 辛巳復書寧王權

論王府子孫品級出祖利河考 郭璉爲吏部尚書 都督山雲討

廣寇平之 尤兵部尚書張本薦授屬官徐琦陳孜

考選御史俱各道歷事 舉人李宗侃當代祖戊

引事例開軍伍許會試許之一虞 釋方政穆肅于

獄二人從 改代州署訓導事舉人曹彙爲泰和典

史候會試自言年少不堪人稱願在太學 定薦舉

人材會官考試校職 議減漕運寬民力遣尚書黃

福同平江伯陳瑄經畧福兼督滄北河 弛極刑家

屬入仕之禁 命在外文武官歸所給官馬 五月

丙午朔 上親覽獄詞發遣二千二百餘人 諭御

史楊居正等六人充戍與嚴得同罪 經理薊鎮營

田 斬常州豪民王景等 諭止寧王所請灌城田

定詞訟原告逃者卽放遣被告人 尚書吳中請

修代州圓果寺不從 勅贈交趾人授官死義者

御製典謨詩示羣臣 前後文武官酣飲廢事者皆

下獄降秩 六月丙子朔 改貴州生員從雲南鄉

試增額五名先止十人 復設山東管河布政司官 議

民運事宜 召郭資掌戶部性朝翔聖 定文職官犯賊

罪者依律科斷不許贖論受誥勅而犯賊者追奪

寇犯赤城擄掠方敏追之盡歸所掠獲賊馬而還 定軍官軍

人調衛及塌房等項納鈔例 七月乙巳朔置驛馬

勘合 兵部請設保靖宣慰司流官命擇土酋治事

錦衣百戶黃勝告老請其子爲代議以工藝持恩

不許 戶部上戶口登耗之數 廣東獻白鳥 已

未 駕幸文淵閣召楊士奇楊榮論經史咨政務并

召諸學士及史官論盡心史學賜鈔有差

以後數臨幸置應設

條

管隊指揮張三擅收將軍帶刀上直下獄鞠治

乙丑封都督僉事金順爲順義伯滕交爲奉化伯

查理京軍置藉以防欺隱

仍令總督計議多寡均分管領

宣府

內官王冠至龍門爲虜所殺切責都督譚廣仍戒內

官不許擅自輕出 指揮應襲者能治事卽注衛不

能者支俸操練 宥劉觀死罪謫其子輻戍遼東令  
觀隨輻閒住 遣御史治遼東將官失機之罪 八

月乙亥朔 侍郎羅汝敬等往蘇松浙江江西督運

初設各處鈔關 丁丑五王就封各支祿萬石鄭

上國鳳翔襄王國長沙荆王國建昌淮王國韶州梁

王國安陸 增築山西烟墩 學士楊溥母憂尋起

復直弘文閣 增勾軍例爲二十二條 令在外大

小衙門慶賀俱舞蹈山呼行十四拜禮 追贈尚書

陳洽少保諡節愍 九月甲辰朔 令平陽王濟煇

立家廟祭晉恭王 遣將出塞燒荒

善于初冬今  
改命賜勅



壬子重陽宴午門三品以上及學士加賜 御製詩

一章 江南逋糧折收絲綿等物 放免南北監生

年老無成者二百五十餘人 令天下學校生員兼

習書筭 申明栽種桑棗之令 宥鎮遠侯顧興祖

虜斂入遼東 下浙西蘇松修陸贄胡瑗范仲淹

魏了翁祠胡榮之奏 西寧侯宋瑛祭 長陵 獻陵前

王致祭既就封始遣勳 威肅王尙留明秋復遣 十月甲戌朔 申舊制禁

約老人犯者巡按按察司究問時老人營求差遣生

賊張籍莫敢如何送 賞浙江捕倭將士 申禁府

部公務聽在外衙門管理不得輒便奏御史及委

三司軍衛府縣正官

庚辰 駕幸文淵閣 上出御製詩示大臣 丙戌

出猗蘭操爲之序以賜 庚寅改大學士張瑛于南

禮部陳山專授小內使書 命朝鮮止貢土物勿用

金銀器 甲午 上閱武郊外獵于峪口戊戌還京

十一月癸卯朔 勅陽武侯薛祿等出宣府境外

巡哨 以虜寇切責宣府總兵譚廣令兼節制赤城

開平軍馬 許阿魯台市馬 增中河諸開疏湖塘

淤塞 以朝覲遣官沿途巡捕所在嚴詰 兩京地

震 十二月癸酉朔 行在戶部左侍郎李梟專督

倉糧 京官柴薪始著爲令 諭顧佐自治奸吏佐

釋之

罷內官採泰安州天麻

從稅課局大使郭智言凡內官皆取回

南海縣民請開銀墳不許

免南北直隸糧十七

萬四千有奇

秦王尚潔被訐奏辭三護衛慰諭令

留其一

濼千戶臧清

誣許願佐

罷遼東內官松花江

造船運糧

江有奴兒于地方

優卹邊軍

布花先給時修衣甲禁出捕略數邊

支糧俸入

員迎送

宣德五年庚戌正月壬寅朔大覲朝賀

獲文登縣妖

僧明本法鍾

壬戌進

兩朝實錄

南左副都御

史邵玘卒

二月

郡縣官貪汙者戍邊

戊辰少

保夏原吉卒

特勅贈諡免其家

置遼東寧遠衛于湯池

天

包德像  
所奉

親定指揮馬昇等職任

三月

陽武侯

薛祿巡邊

下刑部治光祿厨役

竊減貢  
吏俱給

武定侯

郭玪有罪宥之

受占民  
田民居

建禮部于大明門之東

時

郭皆未建以禮部奉天地宗廟首  
建之六年六月工完賜宴落成

侍郎許廓撫河

南 工部尚書吳中兼吏部事

時郭適  
自疾

癸巳頒寬

郵之令

乙未

上奉

皇太后率

皇后如大壽

山 丁酉謁二陵

皇太后召張輔蹇義楊士奇楊

榮見行殿

閏三月辛丑

駐蹕陵下雨

上作

皇陵春雨詩

癸卯營中閱馬

丙午清明節奉

皇太后行祭禮製大德頌獻

太后回鑿道中 太

后命 上作賞春之賦 巳酉還京復製紀農一篇

示輔臣 允換赴京操練官軍 侍郎李琦等還自

交趾黎利入貢再送還官吏旗軍萬六千餘人并言

陳氏無後請惟國事 上命再索以聞 復駢馬宋

琥爵免平陽府糧三十二萬餘石 乙卯策

貢上陳詔等一百人賜林震龔錡林文以下及第出

身有差考試官侍謚王英錢習禮得薛琦劉實加

薛祿太保風風嶺平江伯陳瑄審奏楚府事 上

不納言其兵強國富恐有異圖宜托漕運抽護衛兵

趙斌知縣張秉杖殺一家二人市斬之 應城

伯孫傑有罪下獄

甲馬會恩尋贖罪復府

聖大理卿熊燦

胡

熊復姓熊為南右都御史

增置嘉興府秀水嘉善桐鄉

平湖四縣

熊燦之議

選蔭琦等八人為庶吉士 平江

伯陳瑄上餽運四事行之 重囚十七人 上親閱

止坐十人 四月辛未朔 癸未重修玉牒成 定

各處中鹽則例 孝節十八人 陽武侯薛祿等築

赤城等處城堡賜詩以行

六月工完遣尚書張本往議守備

侍郎

成均督江南農務 議開平糧運

或凡四萬石方自京師立十一堡運

屯千人用車六十日可悉到武進伯朱冕督之

尚書黃福上三事議行召

還京師

一足食一足兵三省後

內臣盜官物及僭分者俱死

內使掌宗事發

五月庚子朔

始命巡按具薦廉能官

以前

有劾無薦

癸亥舉郎中况鍾等九人為知府鍾蘇州羅

以禮西安趙豫松江莫禹常州邵旻武昌馬儀杭州

陳本深吉安陳鼎建昌何文淵溫州各賜勅馳驛赴

任 侍郎羅汝敬督木 諭部院傳 旨必覆奏施

行 徙開平衛于獨石

薛祥之奏軍士家屬蓋幾乃今能往有

嚴訪

賊官治罪 六月庚午朔 侍郎許鄭賑饑河南仍

悉蠲遺稅 遣安南使人責勅還諭黎利 斬龍門

關指揮王林

守備不嚴

增置口北緣邊諸堡

禁約差

出內官生事并夾帶貨物 置雲南孟緬長官司

戊寅大監鄭和往諭諸番國 給事中李本乞減教

官之數不許 宣府立萬全都指揮司以關外十六

衛隸之

先統于使府

寧波知府鄭瑑請弛海禁不許

曲先衛邀劫使臣命都督僉事史昭討之 戶部以

實徵總數編勘合發各衙門填繳查勘 南副都吳

訥致仕 運布帛雜器等物于各邊依價收糴 嚴

各處倉糧多者盡許折鈔 免宣德以來逋欠桑穰

戊戌大白晝見 七月己亥朔 遣官督兩京屯

田 鄜州妖人申敏伏誅 嘉禾產于太廟之側

並全

六七穗者甚多

南陽府大雨水 京東曠土皆設冷舖防



盜 禁約京差害民者

御史于謙之奏

臨清開月河置閘

免官船徵稅

松番衛指揮吳瑋有罪棄市

辛酉

太保陽武侯薛祿卒 侍郎王佐監督倉糧

免安

慶民歲運鹽鈔入北京 撤馬兒罕貢龍馬

八月

己巳朔日食陰雨不見禮部以卽同不食請表賀不

許 遣都指揮康旺等徃奴兒干都司撫卹軍民

節婦五人 甲申客星見東北色青黑 諭吏部甄

別有司舉廉潔士 少傅楊士奇老疾趨朝後時失

班勅鴻臚寺勿問 寬連坐之禁 刑部尚書趙獅

侍郎俞士吉決囚囚詐死得脫及宅事被劾

御史張泰所劾

致仕

都御史熊燾兼理刑部事

經理江北軍

南近河屯田尋寢

九月己亥朔

更定在外罪囚

贖例

丙午陞御史于謙兵部侍郎越府長史周忱

工部侍郎皆督糧稅謙河南山西忱南直隸賜勅仍

行巡撫事

趙新江西趙倫浙江吳政湖廣曹弘北直山東

重陽節

上以

歲登宴羣臣又特宴文武大臣學士賜詩命和賜鈔

人二十筵

加張景左都督

昭皇弟

免天全招討

司歲辦易馬烏茶止貢芽茶

宥曹縣知縣范希正

復職

在縣得民心治奸吏械送京師反爲所誣被逮百姓保留言其狀刑部獨以械送建制上以

君于疾惡稱之

增崇明縣戍兵

諭戍御史嚴陞復述入

京造詞脅財市斬 國子官滿三考者陞秩翰林仍

四十一

任 乙卯 駕巡近郊 己未還京 罷饒州燒造

磁器 十月戊辰朔 壬申流星如碗青赤光燭天

行至北斗魁散 餘干縣民張宇文詐為道士奉勅

往兩廣雲南捕得誅之 定給由官所欠糧稅立限

追徵不完者究問 遼東指揮同知皇甫斌禦虜戰

死虜亦敗去詔褒卹之 丙子 駕幸玉河出居庸

關 己卯獵畚道進所獲兔鹿于 皇太后 遣諸

將出塞燒荒 癸未至宣府巡視各關隘次洗馬林

駕回壬辰至京師 十一月戊戌朔 廣西總兵山

雲破平柳州等處蠻寇 庚子副都賈諒巡視江西

免河南織造逋欠絲料 壬子楚王孟煊以人言

獻三護衛

上令挑選是一衛留用餘如所請仍書慰諭之

河南招撫逃民

十萬五千餘戶免徭役一年 武官守城失機致害

邊人者卽革世襲 選科道部屬爲知府者二十五

人賜勅給驛如况鐘例 浙江布政黃澤奏溫處開

礦之害令密實罷之 南右僉都御史嚴升卒 十

二月丁卯朔

兵部請朋合馬價不許

馬死者十人爲朋買補

己卯大雪 上製喜雪之詩示羣臣賜賞雪宴羣

臣恭賀選錄親爲序 巡視浙江侍郎成均築捍海

石堤 孝節六人 重囚妻子擊登聞鼓者勿禁仍

與辦驗 兵部選京衛軍十萬隸五府訓練 丁亥

合舉星見凡旬有五日表賀 一日閏十月 蘇州知府

况鐘上言清軍之弊詔侍郎成均重與勘實 御史

張駿以淹繫罪囚下獄凡罪囚待理未結正者悉錄

以聞 已丑京師地震 史昭等被曲先獻俘 閏

十二月丁酉朔 以糧長加耗害民令戶部議聞 南

史李安 民間逋賦三分折絹布四分折鈔其絹布

隨便 允慶王榭還居寧夏仍往來韋州

宣德六年辛亥正月二日丁卯旱災罷湖廣採木 陞

工部侍郎許廓兵部尚書

時張本已卒

遣官巡視民瘼

宥泰寧福寧朶顏三衛剽竊之罪南巡撫周忱

奏經歷韓監之枉許復職甘肅虜來騫馬給布爲

直二月丙申朔上屢詔求賢作招隱詩示大臣

自爲序工部侍郎羅汝敬往陝西經理屯田南

北直隸開荒田永不起科

洪武間河南山東書院

分山東河

南民戶養馬改江南治農官爲催糧官其正官仍

督農務濬金龍口引河水達徐州以便漕運壬

寅陞錦衣指揮張信爲四川都司僉書給事中張仕

儀爲蜀府長史許進表官得宿驛舍御史得乘驛

馬初八  
駢駢

太監鄭和携貢使還自西洋仍命往賚勅

論 甲辰萬壽節朝賀次日召蹇義楊士奇楊榮胡

濙賜詩特宴 己酉停緣邊緣海舍人赴京操練

山西旱災徵回各催糧官 巡撫侍郎趙新言五事

一儀典設備一設提學官一提問  
貢官一開豁通鈔一論茶軍屯

上悉從之 辛

酉蠲臨清等處舍店課鈔 戶部奏南巡撫周忱變

亂成法沽名要譽 上不聽尋乞事再  
奏亦不問 三月乙丑

朔 新淦縣丞厲忠與土豪苛斂激變坐斬梟首

增各處佐貳官專撫遊民 癸酉製喜雨詩賜大臣

令吏部考察布按二司官 以清造黃冊榜諭逃

民復業 温州太守何文淵奏布政艾瑛催徵嚴急

上是其言 永新縣賊艾長腦等伏誅 四月乙未朔

戶部尚書郭敦率 丁酉彗星出東井芒長五尺餘 命

巡撫周忱兼管督捕 侍郎柴車往山西經理屯田

召寧夏總兵陳懋還京先以不法為指 禪及軍士所告 求賢所

舉官四十三人會官考試授職 曲先千戶堅都進

馬贖罪宥之令還居舊地 命黥刺逆匠尋以葺制

停之論如律 溧陽縣妖人錢成伏誅 賜和寧王

阿魯台盛甲奠衣為瓦剌所 通商奔 御史陳祚下獄上疏

大學衍義屬怒 五月甲子朔 蘇州知府况鐘奪情視事



為百姓

甬省浙江按察使林頊

被劾上知其誣不問

乙

升潘王模苑

免河南迺民糧稅

黎利以陳氏無

後奏聞且謝罪請封許之

己巳申明巡按有司迎

接之禁

四川巡按王翱言便宜五事行之

麗水

縣強賊陳才等伏誅

四川總兵陳懷移鎮松潘

王

五事之一

降給事中李芳為縣丞

自稱許

召還永新縣

捕賊客兵

採木都御史胡廩謫戍遼東

乞終官軍造器器

為知縣品升所奏尋

松江知府趙豫言四事酌行

一清軍之害一勾補屯丁之害一官田

南京府部寺

院堂上官以公事主京者得給驛

免驛外軍丁運

糧 西僧孤納芒葛刺有罪斬之

通勤王府布薩言奉 台採察爲

連王所奏

立宣府龍門衛 六月癸巳朔

侍郎張敞

右通政徐琦詔黎利權署安南國事 允温州府商

稅收鈔并免通鹽糧三萬四千餘石

大守何文淵之奏

賊

罰數少者留貯本庫 上以憫農詩示吏部尚書郭

璣 給薛賢字令舉使農夫文弊

辛亥蜀王友煊上三護衛之二

許之 建昌知府陳鼎執廣昌縣丞徐政送京師

南

城貪

平江伯陳瑄奏糧運事宜

運軍十二萬宜倉尺倍增分功以宥

死六軍者沿河之衛編伍屯種江南此運對緊附近  
衛所給路費長運至京河道壅塞濟寧設都水司沿  
河州縣各鈔官專職仍大臣二員省之 上命會議  
其囚人立衛軍司設官止之餘命侍郎王佐黃福酌

之不  
果行

金壇主簿郝端坐斬

殺一  
案四  
人

定府學年貢

一人州三年二人縣一年一八上再賦七言招隱

歌爲序賜少師蹇義等七月五日丁卯刑部囚反

獄已巳釋御史周安

爲金華同知吳  
朱所誣得辜

許三衛互

市上幸少傅楊士奇第已丑除學錄一員教新

駙馬常州貢茶免京差督責上親製翰林院銘

允新舉賢良陳浚養母

尚書洽之弟  
母年八十一

河南黃河

暴溢浚白塔河及儀真等處壩河常州府太守

莫禹奏公差官之橫得旨許指名陳奏八月癸

巳朔勅諭阿魯台

方敗于兀剌又有傳  
官兵來勦慰安之

戊申趙

土高燧堯 辛酉太保忠勇王金忠卒 九月壬戌

賈羅汝敏還自陝西

言搜出粟占田數照屯田起升  
增子粒十九萬餘石請修馬驛

溫州太守何文淵械樂清知縣徐村入京

以負  
潔問

如 放遣寧海等衛被告軍官

刀軍所討連年  
不決有景防汛

十

月壬辰朔

御史同戶部官追理寧夏倉糧減屯出

糧額 罷嵩縣銀鑛 豐城侯李賢往大同探虜

設寧夏甘州二河渠提舉司

縣汝敏  
之奏

丙午 駕發

往西湖庚戌還京 武進伯朱冕運糧十五萬石往

獨石 十一月壬戌朔 召楊士奇楊溥示御製述

成詩九章 上自為序 罷各處關津把截軍

以其  
遠阻

李許也御史陳搏之奏

定官軍兌運民糧加耗之例

每石湖廣入半

浙江江西七十南直六斗北直

甌宜大鎮城

飛

五斗民運至淮安兌者四斗

厲伊王

冬至行禮方四更知府李騏討運械下儀衛司一日事聞城之丞奉長史建治

內官袁琦等伏誅

琦廣東公幹擅差內官各處凌虐侵盜坐斬并其黨十一人梟受械

往南京傑于市馬笑將遺自徑于良知仍梟首

裴可烈亦下獄死

十二

月壬辰朔

孝節十五人

丁未太子少保金幼孜

卒 御史二人巡視寧夏屯田水利

巡撫周忱父

喪命馳驛歸葬起服視事

宣德七年壬子正月辛酉朔日食

阿魯台貢馬

流

星出與鬼彗見東方十日滅

中官李貴等使西域

哈烈等國賜勅諭 諭兵部東作將近使臣經過量

度節省 再給泰寧衛印舊被掠去 甲戌月掩軒轅

戊寅流星起中天北行聲如雷 庚辰仍命刑部都

察院進士理刑 少詹事曾榮卒 蘇松巡按鄧榮

再巡一年 陝西僉事林時言二事申明善惡一文式並用

丙戌內官紫山諭琉球遣人賞物往日本 戶部請

停趙府歲祿不許時王已薨 告父母兄弟子侄妻女者

非十惡俟審明方逮 強賊王斌等伏誅詐為較尉劫都督譚

廣 二月庚寅朔 甲午 上親閱罪囚決遣千餘

人 丙申章敞等還自安南權國事黎利遣使隨入

貢謝恩

戊戌

萬壽節又早得雨賦祭社稷承甘

雨歌

己亥增順天解額爲八十人

御史王寶成

遼東

監福建銀場鹽括民  
欲財發人塚建佛寺

給衍聖公孔彥縉乘驛

免徵江陵醫士張文玉

時年九十歲受其子純  
御史封免徵仍加存問

丙午修南京

太廟

作大同緣邊軍士房舍

浙

江爲事巡按金濂獲強賊來康復官 令甘肅降虜

悉處涼州便地

太傅黔國公沐晟乞奔母喪諭止

之 侍郎樊敬平江伯陳瑄等覈沿河漂失竹木

復趙濬吳縣縣丞

周忱  
之奏

三月庚申朔

勅諭府部

等官奉二十二款卹民求才振舉庶政 論禮部凡

下詔蠲租減有司無得廢格仍示以詩 壬戌申僧

人化緣之禁 興獨石排屯 免太原平陽二府糧

草 議征貴州蠻寇 都督僉事史昭鎮寧夏 選

五城兵馬指揮 許大同關吏文忠會試 先以建  
限充者

設各衛所儒學赴本省鄉試 壬午始以賊罰庫所

積驗直抵文武官月俸 減南京光祿寺堂上官

四月己丑朔 招諭逃軍爲盜者 白塔河工完

命賑濟先發後聞 復平涼府開城縣迭烈孫運道

陝茂運糧甘肅經平涼陝險極爲艱難迭烈孫地方  
平垣通黃河卽甘涼近五百里國初開行至是復之

命巡撫周忱清常州軍政 辛丑免山西逋稅二



百四十萬石有奇 定各邊中鹽則例 以草場二

所增造國子監學舍會饌月糧皆如南京例 定撫

臣與巡按按察司文移事例 臣下布政府縣轉行  
巡按非切要者不得徑

行 詹府官四品父舅得賜祭葬 給王  
交陞土官

內附者悉留京師 五月戊午朔 壬申忻州食鹽

米折鈔 山西進龍馬駒 楊士奇等  
皆進款 復給工匠月

糧一石 諭兵部措置邊防 壬午會寧伯李英助

兵勇祈監藏奪嫡下錦衣獄 修四川新津縣通濟

堰 送軍馬義誣告周王棄市 廬山僧智順乞修

高皇帝御製周顛仙碑亭及寺從之 成國公朱勇上

邊運八事 六月戊午朔 貴州兵破擒蠻寇 蘇

州太守况鐘奏豁遊戶均糧稅從之 銅犯禁妖僧

大旺 兵部尚書許廓卒 拓皇城東偏徙民居于

西隙地 湖廣江華縣強賊廖馬孫等伏誅 建朝

天宮于西直門內 賜少師塞義第於文明門內

罷內官入番買馬 汾河黃河大雨泛溢壞田廬

己酉太白犯歲星 豁祥符等縣秋糧五萬八千餘

石 御製官箴三十五篇頒示羣臣 流星屢犯天

廩天因北斗杓 七月丁巳朔 停武陵王季琨妃

冊禮令別娶 以先受穆肅子聘也 勅賞三衛 改交趾歸順

土官知州知縣阮遷等四十五人于山東西等府

定沒官田糧俱准民田起稅仍蠲其逋 蘇州太守

况鐘奏依憲綱禁約御史允之 各省徵糧以按察

司官一員協助巡撫 召浙江巡撫趙倫還京即命

侍郎成均代 孝節七人 冊安陽王瞻埒為趙王

武鄉王佶焯為潘王 肅王瞻焯上還兩護衛之一

置呂梁漕渠石閘 上閱元臣趙孟頫幽風圖賦

長詩一章示詞臣 申明御史與外官相見之禮

所奏 太白犯焚惑 癸未 駕幸萬歲山召儒臣論

古今周覽都畿山川形勢 八月妄男子大呼西華

門謗訕釋之

梓至御前  
聲籍不息

乙未責論行在吏部徵

舉賢才仍考察在外不職官 陞吏部郎中魏驥南

太常少卿 宥浙江左布政黃澤等

緘人于公願治  
監杜葉屬縣為

歸安知縣  
革尚所奏

設江南水次諸倉

蜀忱之奏即  
便民倉

改行

在戶部尚書黃福于南京 各省撫按考察方面官

仍同布按考察郡縣 陝西永壽縣獻嘉禾

同本三  
甄五塗

莖數十穗五岐六岐一節一  
岐又嘉瓜連理諸實不計

戒諭遼王

總旗薛冬  
保王取其

長女又欲取其次冬保不從遂送刑部貶罪王怒并  
許部官受賄鞠之無實請治其官屬之罪 上怒之

成諭 置蘇州各縣濟農倉

周忱以所儲餘米為抵  
補貸借者凡六十九萬

石崇明阻海未竟  
歲歉賑以萬石

釋故城縣縣丞陳銘復任

太監  
別寧

實與御史馳在各處收前已誅貪穢內臣資彙并  
核從人入京還至故城銘素剛烈又大醉聞有內官  
不問所從來奮前捽寧首擊之御史不能止  
奏聞 上曰丞固可罪第失于不知姑宥之 都御

史顧佐請嚴考課

時布按官御史備信望  
老生員之言爲去留

科道官

劾順天府尹李庸科場事宥之

九月丙辰朔流星

大如箕入太微垣

命山西偏頭關外燒荒如宣大

例 蘇松海溢蠲其租稅

大同叅政沈固上四事

諭各處督民種桑棗 免河南許州等四十四處

秋糧 武臣不得自相保薦 修江南水利命各處

庫貯餘物折俸 增運軍爲十六萬人 復東平州

知州李湘職

奸吏所  
訟得自

畿南旱

庚午命諸將巡邊

浙江雨水 庚辰 上山織婦詞示羣臣 十月

丙戌朔水雨 前寧夏總兵寧陽侯陳懋有罪宥之

追其贓物尋免 十一月丙寅朔詔平江伯陳瑄及

各處催糧侍郎免歲終入京計事 肅王瞻焰奏增

祿米不許

初止五百石已增為千石至是復請

諭朝鮮毋獻鷹犬

阿魯台攻兀良哈勅緣邊謹備 大霜陰霧水冰

十二月丙戌朔 貴州按察使應履平請驗勘合又

請寬夷方補軍之例皆從之 物南司禮監悉送經

書性理大全等書于北京 大學士黃淮父喪謝祭

入京奏留其子采報效許之 悉釐 文廟左衽之

舊 平江伯陳瑄上糧運四事

宣德八年癸丑正月乙卯朔 江西討贛州賊徐士禮

等仍遣副都陳勉先撫諭之 前浙江巡撫趙倫降

叅政

非法杖死糧長爲首  
和縣丞王瑜所奏

丁卯郊陰雪忽霽禮成

自洪武以來先朝百官前  
後行至是先行躬詣闕視

改張燈于慶成宴之次

日 內臣請放烟火不從

以餘敬  
尚存也

訪指揮使以丁

能治軍者得余斌等二十七人悉陞用之 內使潛

逃爲僧者皆殺不宥 杖奸吏許知府者知府復任

宴卓異官何文淵等七人于闕庭 二月乙酉朔

阿魯台改道遼東入貢

先山宣大  
命備之

留少保黃淮主

考會試 癸巳月掩歲王 廣賊入石城陸川二縣

定稽考勾軍之令 三月甲寅朔 策貢士劉哲

等九十九人賜曹鼎趙恢鍾復以下及第出身有差

主考少保黃淮少詹事王直得年官石琚李賢陸瑜  
徐理鄒來學陸矩前賜宴都督府至是宴禮部著爲

例 沿河州縣有驛遞者悉免其民雜役 方面官

按部許給驛 選進士尹昌等六人爲庶吉士副榜

龍文等二十四人入國子監讀書 遣御史巡京衛

倉 御製述意詩示大臣教庶吉士 詔内外官優

卹軍士 山東按察使虞信奏屯田私役之害詔嚴

加禁革 成國公朱勇選京衛幼軍一萬隨侍 皇



太子 減京衛餘丁之在營者歸有司供役 四月

甲申朔

葺廣寒消暑二殿分貯書籍

殿在萬歲山俗稱煤山

多奇不即宋民岳金人移之示廷臣廣寒殿記

廣東罪囚依京師例納米

以贖

副都賈諒會兵四川捕賊

鎮遠侯顧與祖

監督牧馬

州縣里數狹者遞減歲貢 南北直隸

河南山東西旱詔寬郵勅部院遵行 五月癸丑朔

添獨石戍卒

日本來貢 增婦為三人三百

貴州總兵蕭

授廣西總兵山雲各討蠻寇平之 禁各都司泛濫

差遣

召開平樹石等副總兵方政還以都督僉事

陳濬代

六月壬午朔

開平千戶楊洪擊虜于紅

山發之 方政蔣貴鎮四川 朝鮮攻建州衛勅諭

止兵 上作憫旱詩示羣臣 壬辰鴻臚少卿潘賜

行人高遷中官雷春使日本賜其王源義敬勅金幣

許達官指揮同知僉事襲職 定到任官總祀諸

神下城隍祠 江西盜皆就撫復業 勅責三法司

疏次罪囚 江西大水 湖廣河南旱火各賑濟之

七月壬午朔 給事中主事各一人清南京後湖黃

冊 申嚴私通番國之禁 宥永新縣賊首蕭彥貞

等 南康等縣強賊劉仁遠等伏誅 設武驤騰驤

各左右四衛實以御馬監勇士養馬 壬戌巳刻流

星大如碗西北行有聲如雷 下各省精擇鄉試考

官 辛未勅戒群臣 宥南刑部侍郎段民罪

詔書量赦

重罪未下南凡三十六人不在赦例者一依寬減因而逃者數人後勅

福建崇安縣

大雨水漂縣治居民 修廣陵縣忠節祠 龙刺王

于襲敗阿魯台 八月辛巳朔 左都督陳懷有罪

下獄

先在四川奢僭不法尋罷職

黃福兼掌南京兵部事 教

行在戶兵工三部及各衙門官七十七員 閏八月

辛亥朔天方國貢麒麟西禮部請賀不許 壬子葦

星出天舍人天市三十四日滅 左邵顛佐有疾命

吏部尚書郭璉兼掌 戊午景星見 侍郎徐琦行

人郭濟中諭黎利 庚子彗星見凡三十四日

乙亥瓦剌順寧王脫歡入貢 九月庚辰朔 今天

下廩生年四十五以上悉送禮部考選定奪 孝節

七人 召熊燦掌行在都察院事 虜人涼州殺掠

擊敗之 優陞考最官副使鄭堃等爲府尹 十月

庚戌朔 平江伯陳瑄卒 宰東劫殺使臣命都督

劉廣劉昭討之 鑄宣德通寶錢 陞南京司業許

敬宗爲木監祭酒 十一月庚辰朔 署都督僉事

王瑜督漕運 賜朝鮮四書五經大全諸書 斬江

西長河洞賊朱南鵬等 選前科進士徐瑄等十三

人爲庶吉士同薩琦尹昌等凡三科二十七人各隸

甲學文淵閣賜詩勉之再留知縣孔友諒教諭

黃純等七人歷六科備用十二月庚戌朔甘肅

破虜戶部尚書郭資卒工部侍郎羅汝敬有罪

下獄

宣德九年甲寅正月己卯朔郊各巡撫議運糧屯糧

贖罪納米事例戶部郎中李選等監京通倉收支

并以時修葺開平獨石總兵陳濬卒

馬昇爲參將代之

應天府尹鄒瑩請釐本府與部院各御史禮儀從之

二月己酉朔北虜依塞者招諭之來歸者量加

周卹 出思賢詩示羣臣 罷平則門外議築教場

始遣御史巡視光祿 武安侯鄭亨卒

曹儉代總  
大同兵

南侍郎段民卒 陝西妖僧李梟等謀叛伏誅

三月戊子朔 皇太子始受朝于文華殿 廣西總

兵山雲破擒蠻賊單公碧等 勅賜獎諭 黎利死

安南復亂土官阮公庭等來歸 脫驩攻阿魯台破

之立元裔脫脫普花爲阿漢 四月戊申朔 徐琦

還自安南以黎麟使人入貢 百戶馬亮責勅慰諭

阿魯台賜米幣 戊辰親閱囚罪從輕決遣千三百

餘人 宥羅汝敏充爲事官賜勅復任往陝西督稅

五月丁丑朔 戒諭遼王貴烺

兄弟不和

山東河南

蝗

以滿刺加國王忠順加賜勅獎

六月丙午朔

七月 罕東番族俱乾招燕

八月乙巳朔

始

遣大學士楊士奇祭先師

前祭酒自祭

己酉寧國太長

公主薨

晉楊溥禮部尚書兼學士

刑部侍郎魏

源往江西永豐各縣諭亂民夏九旭等都督任禮率

兵繼之

十月伏誅

僉都御史凌宴如卒

己巳瓦剌順

寧王脫歡遣使獻捷貢駝馬

時阿魯台已被殺

癸酉

上

御左順門試修撰馬愉等及庶吉士陸琦等凡三十

七人

內有許

親第高

賜賚之

九月乙亥朔

法司官施禮等議獄失實自首宥之 宥河南布政使

李昌祺罪

移文不躬覆實

癸未

駕發京師

乙酉出居

庸開獵于岔道

戊子次懷來出御製詩示楊士奇

命和

庚寅蹕宣府

阿魯台之子及其黨來歸撫

納之

庚子回鑾

十月甲辰朔

上次龍虎臺

衛王瞻埈享太廟

駙馬宋瑛祭二陵

丙午還京

侍郎章啟侯進冊黎麟權國事

浙江湖廣旱災

松潘叛苗平

戒諭代王桂勅責長史等官

出遊市中

起逐行人

罷陝西買馬

寧夏破虜

霍州學正曹端

卒于官

十一月甲戌朔

十二月甲辰朔增赤城



諸堡戍兵 內使馬林調鷹杖殺平民誅之 命阿

魯台子阿卜只俺為左都督賜第 出御書洪範篇

御製序文示楊士奇 孝節九人 甲子 上不豫

衛王驥侯 補奉太廟 太白晝見 廣西兵破斬大藤賊

宣德十年乙卯正月癸酉朔 上不豫免朝 停南京

工役及各處採辦 乙亥 上崩 六月戊申葬

景陵

臣鄭曉曰 帝天資英曠豁達大度致孝睦宗思賢

求士臨朝蒞政動容成法勤恤民隱仁惠孳孳四方

每奏水旱蝗災即遣馳視賑貸蠲租聞江南農民困

斃屢屢詢察減除田租人非大過曲賜保全慎于用人博咨獨斷方岳郡守不輕付畀著令會舉期在牧民責課公卿警箴玩怠法司覆上刑名常垂寬宥獨懲賊吏削籍戍邊不少假借法行貴近攻先化理盡言臣下過失密加詳察如其謗誣疏斥言者重則懲用防讒殄間有直言忤旨旋復覺悟獎遇加

嘗謂侍臣曰君臣一體貴在乎協聖王推心置腹樂爲用若知賢不用用賢復疑上下睽乖惡在其一體也以故體敬大臣元弼冢宰未嘗易人當是時羣賢效用百姓相安雖有水旱之憂不害其爲平治

也

臣何喬遠曰 高皇承胡元縱弛之弊宏振威武以  
儆天下 文皇以英達之資纘緒大服海內竦然  
厲者五十餘年 昭皇至德深仁不久於位 章  
繼之乃涵濡以醇懿陶填以德義聞四方有水旱  
蟲之災憂形於色遣人賑拯如恐不及隆寒盛暑生  
下法司蘇洗冤獄奏上刑名垂神省察並從輕典  
禮老成勳舊具有終始寤寐思賢內自廷臣外自方  
岳郡守咨簡詳擇不以輕并褒獎循良使久於官是  
以在任之人奇才異能皆極一時之選至文學胥吏

莫然。羣臣列位名卿十年之內，吏稱其能，民悅其德。下及民間，木植器用莫不精堅，殊倫可觀。以戶一時無此，竊偷惰之風矣。乃若郊廟之禮，必親奉事。大后祗敬，夙夜宮中，欲用一木架，工匠飾繪金綵，輒令易之。嘗命侍臣遊東苑，指草舍一區曰：「此朕致齋之所，雖不敢上比茅茨，庶幾不忘儉德。」未嘗一日去書。下筆蠹漏，皆傳修齊治平之道。翰墨圖畫，隨意所在，盡極神妙。歲秋冬巡邊，閱視親橐鞬，騎射威震乎殊俗，休矣哉！文武恭儉之主也。

臣吳士奇曰：上神明天授才，兼文武，親征高煦，曲

論趙王不動聲色立平內難考察京官廣舉學行加  
意元元屢詔軫恤赦黎利以息兵城獨石以隄邊改  
支運以利漕命成均築海堤黃福理屯田于謙撫河  
南周忱撫江南王驥爲司馬顧佐爲都憲特重郡守  
授之璽書寬文法赦小過黜勅六卿勵精圖治一時  
中外並稱得人親禮輔臣賡歌唱和巡行邊郡閱武  
近郊聲教昭宣禮樂明備時天下新脫湯火而上  
順民與之休息吏稱其職民安其業濟美 仁宗並  
稱守文聖主矣

臣國禎曰 文皇之繼 太祖如樹之拉而復接也

本不傷更別其靈 童皇緣 仁皇以繼 文皇  
如道星宿之流注之龍門壯表裏山河之固彌遠而  
彌濶天祐我 明以猛糾縱氣乃肅以剋致果威乃  
申肅矣申矣一以仁德涵濡天若廻春民易見德而  
歷世不拔之基本乃定于此况 童皇以英暢神武  
之資妙卷舒搏撓之用大者不以義傷恩而宗室獲  
全不以兵擴地而安南立國尊事 母后有若廷訓  
之嚴優禮舊臣時多交儆之誼守文聖主若再加十  
年卽夷狄盜賊之禍可以盡消矣

補遺

四年二月定驛馬禁例 寧夏總兵寧陽侯陳懋進  
玄兔白兔各一賜蟒衣玉帶

六月議漕運事宜江西湖廣浙江民運糧一百五十  
萬石貯淮安倉蘇松寧國池廬安慶廣德民運糧二  
五十萬石貯徐州倉應天鎮江常州太平淮安揚  
州鳳陽及滁和徐三州民運糧一百五十萬石貯臨  
清倉山東河南北直隸府州縣糧俱令運赴北京倉  
再議徐州倉增糧二十四萬石臨清倉增七十餘萬  
石此民運也一曰支運六年冬改爲兌運半用軍

九月山東巡按包懷德言四事命禮部會議

又禮部

十月常州府同知張宗璉因清軍御史酷刑力崇學  
辱疽發背死邑民立祠江陰之君山 駕幸文淵閣

奉天門左廡之南爲東閣又轉而東稍下爲文淵閣

深嚴禁密故事不得舉火閣老退食于外 上命

庭中隙地置庖自是得會食中堂光祿供辦卓席

豐後皆折銀自餽食于庖中蒸煖而已閣老各有

役四人所折之銀兩房乾沒十不得一

六年九月以崇國寺果園地還宛平民

七年二月召楊士奇議寬恤詔首蠲租廢格次處



民寬漁課黜貪暴廣賢路及方面宜令薦舉等事  
三月以騎士屯守猶兒峪總兵方政奏獨石等處  
西猫兒峪當賊衝未有城堡宜遣千戶楊洪領騎  
屯駐且耕且守從之

八月陞交趾南靈知州黎恬爲諭德建安縣學教  
楊壽夫臨清縣學教諭彭琉爲編修

八年正月楊士奇進太平聖德詩十章 勅南守備  
襄城伯李隆同巡撫周忱總督南京各衛所屯田

三月選下第舉人王鑑等二十四人賜冠帶給訓導  
俸送國子監肄業

四月詔使臣不得受王府饋遺 應城伯孫傑等  
府行喪禮受文綺白金主事張魯爲漣府治墳受  
馬金幣被劾

存疑

仁宗山陵 勅南守備襄城伯李隆等以軍士萬人助  
建又于南盤海廠及江北府衛發旗軍工匠十一萬  
八千協助此時軍士督以武官班匠必屬有司遠涉  
勞費可知列傳中亦往往可考然前之長陵後之  
景陵俱未嘗徵助獨見于此又其數甚多蓋陵皆

豫造

仁宗在位淺倉卒大故不得不借力于南

慶陵尤促助既不能工部措置更難一切從儉其勢  
然也

文淵閣置庖設饌各書述之今亦仍之不必言矣抑  
皇城之內至深遠亦至廣濶門門皆有內使守之午  
門外內使附其傍設板房以灰土塗其上不脊而平  
內則卽居廡下飲食起居其中厨饌甚設何至內閣  
獨無豈以前私設至 宣廟駕幸乃官設耶 乾清  
宮兩階下各有小房二進不瓦不灰土純黑似用漆  
布蓋其上司禮監退處其中文書房在三殿兩廡之

外貫一大街其房而街去墻可十餘丈每人各占三  
間東接思善門西接降宗門 乾清宮傳奉出入必  
由之路司禮自奉卽用 御饌文書房稍次雖火禁  
甚嚴處處暗蓄有細事夜半一啟門燦如列炬矣

夏原吉從遊萬歲山園人曰前龍衣而髯者至尊耶  
上聞反顧原吉皇恐下馬謝罪 上曰朴哉斯隸賜鈔

凡從遊賜馬必出內廐外隸必不得入卽 國初制  
寬君臣間時相接款洽只獨身侍對其制定非一日  
賜墩惟親王駙馬上公後亦無聞大臣賜馬時有之  
嘉靖中以閣臣年老賜肩輿自東華門入侍直學士

西苑乘馬皆許帶家人若隨 駕盡屏之在內控馬  
小火者在外錦衣較尉